

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1565 del 07/06/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 7 de jugn vegn fora la puntata #489 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 489.

I argomenc de chesta setemèna.

Ai 29 de mé l é stat la radunanza generèla de l’APT de Fascia, olache te anter i ponc al orden del dì l era l’aproazion del bilanz 2024 e la litazion di comembres del Consei diretif per l renovament di orghegn aministratives.

L event de la Scola ladina de Fascia per portèr dant e reingrazièr atlec, arcedadores, professores e tutor che laora per l projet Ski e Ice College. L projet, che ge dèsc l met a 75 atlec de conjobièr sport e studie, l à na rei de lurier che se dèsc ju per meter a jir n sistem de didament. Te chesta ocajion l é ence stat fat festa per Flora Tabanelli, studenta del Ski college, che chest an à vent Copa del Mond, mondièi e X-Games de freestyle.

Fradaa anter la scola populèra de Vich e de Fodom sun Pas de Fedaa per rejonèr de l’empordanza de stravardèr l’èga e no la verjumèr. I scoles a podù tor su n muion de informazions en cont de la Marmolèda e di giacees de gra al glaciologh de la SAT Norman Gasperini.

Per la rubrica “Piates: chel liber sun scancia” Alberta Rossi de la biblioteca del Istitut Cultural Majon di Fascegn la ne porta dant l liber “Ultima neve” del scrittor Rumantsch Arno Camenisch.

I report de chesta setemèna, enjigné da Riccardo Zanoner e Angela Pederiva, i vegn porté dant co la ouusc de Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su Trentino Tv – canal 10 Prov. de TN- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun AltoAdige TV – canal 11 de BZ - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina.

<https://www.facebook.com/TelevizionLadina>

(us)